

四庫全書

史部

欽定四庫全書

史部

御定歷代紀事年表卷九十一

詳校官編修<sub>臣</sub>謝振定

編修<sub>臣</sub>裴謙覆勘

總校官進士<sub>臣</sub>朱鈐

校對官主事<sub>臣</sub>陳文樞

謄錄監生<sub>臣</sub>董凝極

欽定四庫全書

御定歷代紀事年表卷九十一

起辛亥宋高宗紹興元年  
止庚申宋高宗紹興十年

凡十年

表例說

臣之樞謹按劉豫以金命為齊帝越八年金復廢之廢置皆由於金故附見金格張邦昌亦為金所立仍載入宋格者邦昌甫即楚帝位不旋踵為宋臣與劉豫之僭號八年者異矣故異其例

宋

紹興元年

辛亥

春正月帝在越州詔改元釋

流以下罪

以張俊為江淮招討使岳飛

副之

時孔彥舟據武陵

張用據襄漢李成據江淮

湖湘十餘郡尤悍強連兵

數萬久圍江州朝廷患之

以俊為招討使俊請岳飛

同討許之

李成陷江州

未幾復陷筠

州

謝克家罷

安定王天會九年

令話

春正月以時立愛為侍

中張忠嗣為宣政殿

大學士

三月烏珠取宋鞏洮河

樂蘭廓積石西寧等

州自是涇原熙河二

路皆平

達蘭及宋將張榮戰於

興化敗績引眾自楚

州北歸

世神宗夏四月襲西遼和勒端城

初封子

不克 時間耶律達

金

西遼 附

耶律達 夏 實康國

五年夏夏主李

金遣耶乾順正

律伊都德五年

來攻勦春宋同

州觀察

克而去副使劉

惟輔輸

款於本

國乾順

拒不受

夏金

遣使來

二月以秦檜參知政事

孫一人

實在和州之域恐與

三月張俊岳飛大敗李成於

為安定

夏人合遣使索之未

樓子莊羣盜皆遁

俊聞

郡王今

獲尼瑪哈以耶律伊

成將馬進在筠州以豫章

其封久

都遼之近族必知其

介江筠之間遂急趨之既

不舉有

巢穴以番漢及女直

入城喜曰我已得洪破賊

司具上

軍萬人付伊都使攻

決矣及進犯洪州連營西

應襲封

達實於漠北和勒瑞城

山俊敝兵若無人者居月

者至是

臨行質其妻子仍起

餘進以大書牒索戰俊以

以令話

燕雲河東夫運餉和勒

細書狀報之進以俊為怯

為安定

瑞去雲中三千餘里

俊諜知賊怠乃議戰飛曰

郡王明

是行也三路之夫死

賊貪而不慮後若以騎兵

年再見

者不可勝計

自上流絕生米渡出其不

意破之

六月賜昏德公重昏侯

意破之必矣因請自為先

時服

秋九月和州回鶻執耶

鋒俊大喜乃令楊沂中絕

律達實之黨薩巴迪

索保州

生米渡飛重鎧躍馬潛出

亡入邊

高麗

所往

知達實

接亦不

土不相

報以境

實乾順

耶律達

索西遼

賊右突其陣所部從之進  
大敗走蜀州飛抵東城進  
出城布陣飛設伏以紅羅  
為幟上刺岳字選騎二百  
隨幟而前賊易其少薄之  
伏發進大敗走飛使人呼  
曰不從賊者坐吾不汝殺  
坐而降者八萬人俊與沂  
中復前後夾擊賊大潰進  
以餘卒奔南康飛夜引兵  
至朱家山又斬其將趙萬  
成聞進敗自引兵十餘萬  
來俊與飛遇成於樓子莊  
大破之遂復蜀州成復以  
十萬衆與俊夾河而營沂  
中夜銜枚渡河與俊夾攻

里托迪來獻

冬十月遣將點呼自鳳  
翔烏魯扎哈自階成  
出散關約日會攻宋  
將吳玠於和尚原烏  
魯扎哈先期至為宋  
人所敗點呼攻箭苦  
關復不利憤甚謀必  
取玠於是烏魯會諸  
帥兵十餘萬造浮梁  
跨渭自寶雞結連珠  
營壘石為城夾澗與  
宋軍相拒進薄和尚  
原敗績烏魯引還  
十一月遷趙氏疎屬於  
上京

戶金許  
之自是  
保州封  
城始定

成大敗俊乘勝追至江州成勢迫絕江而去因呼俊為張鐵山遂復江州已而興國軍等處羣盜皆遁金人陷鞏池諸州

武功大夫張榮擊敗金兵於興化達蘭壯遁榮本梁山濤漁人聚舟數百以劫掠金人杜充時嘗借補武功大夫金人南侵攻之不克及金兵退榮襲據通州聯舟入興化縮頭湖作水寨以守金達蘭在泰州謀再渡江欲先破榮寨榮率舟師與之遇見金戰艦不多餘皆小舟時水退陷泥

以陝西地賜齊

附齊

劉豫阜昌元年

春遣使如金賀正旦

夏李成叛京來降

置招受司於宿州

誘宗遁逃冬金以

陝西地畀豫於是豫

盡有中原之地

渚不能前乃舍舟登岸大呼而擊之金人不得騁舟中自亂溺水及陷沉渚者不可勝計俘馘五千餘人達蘭收餘衆奔還楚州退屯宿遷尋壯去榮告捷於朝遂以榮知泰州

張浚軍閬州分諸將守川陝金人破福津蹂同谷以迫興州浚遂退保閬州而以張深為四川制置使與劉子羽趙益昌王庶為利夔制置使節制陝西諸路知興元府

夏四月隆祐皇太后孟氏崩年五十九諡昭慈獻烈



劉光世復楚州五月光世使  
都統制王德襲揚州擒郭  
仲威送行在斬之時仲  
威謀據淮南以逼劉豫故  
也

作大宋中興玉寶

張俊追敗李成於黃梅成奔

劉豫岳飛招張用降之

俊引兵渡江追成至蘄州

黃梅縣大敗之其衆數萬

皆潰馬進為追兵所殺成

北走降劉豫用復寇江西

飛與用俱相人以書諭之

曰吾與汝同里欲戰則出

不戰則降用得書遂帥衆

降江淮悉平俊奏飛功第

一詔進飛右軍都統制屯  
洪州彈壓盜賊

六月攢昭慈獻烈皇后於越  
州 詔俟軍事寧歸葬哲  
宗園陵

張浚以吳玠為陝西諸路都  
統制 時闕隴六路盡陷  
於金止餘階成岷鳳洮五  
州及鳳翔之和尚原隴州  
之方山原而已

秋七月封太祖後令詔為安  
定郡王

范宗尹免 宗尹有才智年  
三十為相毅然以國事自  
任然為政多私屢為言者  
所詆秦檜從而擠之會侍

御史沈與求奏其罪狀遂落職

八月張浚殺前威武大將軍曲端浚既敗於富平乃思端言召之還稍復其官從閬州將復用之吳玠憾端因書曲端謀反四字於手以示浚王庶又言端嘗作詩題柱曰不向關中興事業却來江上泛漁舟謂其指斥乘輿浚乃送端於恭州獄有武臣康隨者嘗以事忤端端鞭其背隨深憾之及浚以隨提點夔路刑獄端聞之曰吾其死矣隨至命獄吏繫維端以紙

糊其口燔之以火端乾渴  
求飲與之酒九竅流血而  
死陝西士大夫莫不痛惜  
之軍士恨恨有叛去者

以

汪伯彥為江東安撫大使  
既而罷之張守免時黃  
潛善已死張守復薦用伯  
彥侍御史沈與求論劾之  
詔伯彥褫新職守亦引疾  
辭去

以李回參知政事富直柔同  
知樞密院事

以

秦檜為尚書右僕射同平

章事兼知樞密院事范

宗尹既去檜欲得其位因  
揚言曰我有二策可聳動

天下或問何不言檜曰今  
無相不可行也帝聞乃有  
是命

詔贈程頤直龍圖閣制詞  
畧曰周衰聖人之道不得  
其傳世之學者其欲聞仁  
義道德之說孰從而求之  
亦孰從而聽之爾頤潛心  
大業高明自得之學可信  
不疑而浮偽之徒自知學  
問文采不足表見於世乃  
竊借名以自售外示恬默  
中實奔競使天下之士聞  
其名而疾之是重不幸焉  
朕所以振耀褒顯之者以  
明上之所與在此而不在

彼也

以呂頤浩為尚書左僕射同

平章事兼知樞密院事

頤浩入對首言先平內寇

然後可禦外侮今李成摧

破江淮惟張琪卽青兩寇

不久可平惟閩中之寇不

一而孔彥舟據鄂馬友據

潭曹成等在湖南江西之

間而南雄英韶諸郡賊兵

多寡不等然閩寇最急廣

寇次之蓋閩中去行在不

遠二廣不經殘破若非速

除為害不細帝深然之

復修日歷翰林學士汪藻

言本朝宰相皆兼史館故

書榻前議論之詞則有時  
政記柱下見聞之實則有  
起居注謂之日歷所以備  
言垂一世之典苟曠三十  
年之久漫無一字何以示  
來世帝從之即以命藻

長星見詔求直言

冬十月李回罷

王德礪帥青之衆於崇明沙  
獲青送行在 青寇宣州  
進圍太平劉光世招降之  
尋復叛去聚其黨於崇明  
沙將犯江陰光世令王德  
討之德執旗麾兵拔柵以  
入青衆大潰翌日餘黨復  
索戰諜言賊將用火牛德

笑曰此古法也可一不可  
再命合軍持滿陣始交萬  
矢齊發牛皆返奔賊衆殲  
焉青自縛請命德獻諸行  
在餘黨悉平

以孟庾參知政事

金烏珠寇和尚原吳玠及其  
弟璘大敗之烏珠遁玠  
自富平之敗收散卒保和  
尚原積粟繕兵列柵為死  
守計或謂玠宜退屯漢中  
扼蜀口以安人心玠曰我  
保此敵決不敢越我而進  
是所以保蜀也玠在原上  
鳳翔民感其遺惠相與夜  
輸芻粟助之玠償以銀帛



民益喜輸者益多金人怒  
伏兵渭河邀殺之且令保  
伍連坐民冒禁如故金將  
默琦烏魯扎哈約日會和  
尚原烏魯扎哈先期至陣  
北山索戰玠命諸將堅陣  
待之更戰迭休金人大敗  
遁去沒立方攻箭箬關玠  
復遣將擊破之兩軍終不  
得合已而烏珠將兵十餘  
萬進薄和尚原玠與弟璘  
選勁弩命諸將分番迭射  
號駐隊矢連發不絕繁如  
雨注敵稍却則以奇兵旁  
擊絕其糧道度其困且走  
設伏於神垕以待之敵至

伏發遂大亂玠因縱兵夜  
擊大敗之烏珠中二流矢  
僅以身免亟繫其鬚髯而  
遁初金人之至也玠與璘  
以散卒數千駐原上朝問  
隔絕人無固志有謀劫玠  
之兄弟壯降者玠知之召  
諸將歃血盟勉以忠義皆  
感泣願盡死力故能成功  
初置見錢闕子時命張浚  
屯婺州有司請椿辦合用  
錢而路不通舟錢重難致  
乃造闕子付婺州召商人  
中以給軍食商人執闕子  
於權貨務請錢願得茶鹽  
香貨鈔引者聽於是州縣

以闕子充糴本未免抑配而榷貨務又止以日輸三分之一償之人皆嗟怨

升越州為紹興府

十一月以孟庾為福建江西

荆湖宣撫使韓世忠副之

辛企宗討范汝為不克

其勢益熾乃命庾為宣撫

使發大軍由溫台路入閩

汝為聞之亟入據建州

富直柔罷

十二月盜曹成陷道州成

初陷漢陽鄂州屯攸縣湖

東安撫向子諲招之成聽

命子諲遣兵扼衡陽欲圖

之而援兵不至成忿子諲

欽定四庫全書

欽定歷代紀事年表

卷九十一

九

扼已即擁衆而南官軍悉潰成大掠執子謹而去以慧出求直言考功郎魏砥因言治平間慧出東方英宗問輔臣所以消弭之道韓琦以明賞罰為對比年以來賞之所加有未參選而官已升朝者有未經任而輒為正郎者罰之所加有未到任而例被衝替者有罪犯同而罰有輕重者力言大臣黜陟不公所以致異上識其忠擢監察御史遷殿中侍御史

子 紹興二年

安定王 天會十年

耶律達實 康國 夏

春正月帝在紹興府

復賢良方正直言極諫科

韓世忠拔建州范汝為自焚

死世忠聞汝為入建州

曰建居閩嶺上流賊沿流

而下七郡皆血肉矣亟帥

步卒三萬水陸竝進直抵

鳳凰山五日破之汝為自

焚死斬其二弟岳吉以徇

擒其謀主謝嚮施達及裨

將陸必強等五百餘人世

忠初欲盡誅建民李綱自

福州馳見世忠曰建民多

無辜世忠乃令軍士駐城

上聽民自相別農給牛穀

商賈弛征禁脅從者汰遣

軍榮州

令話

襲封二

年卒贈

開府儀

同三司

安定王

副元帥

秋九月遣宋使王倫歸

國留倫雲中既久

尼瑪哈使烏凌阿思謀

見倫語及契丹時事

倫久困懷歸乃倡為

和議謂思謀曰海上

之盟兩國約為兄弟

萬世無變雲中之役

夏四月以太祖孫哈喇

為安班貝勒皇子富

勒呼為固倫烏赫哩

貝勒幹布為固倫左

貝勒尼瑪哈為固倫

右貝勒蕪都元帥烏

珠副之鄂爾多為左

副元帥

夏主李

乾順正

德六年

是年耶

律伊都

謀結燕

雲之人

圖金事

覺金元

帥尼瑪

哈將誅

之伊都

父子遁

入本國

乾順以

其兵少

獨取附賊者誅之民感更防禦使  
深世忠因進討江西湖廣時安定  
諸盜

帝如臨安從呂頤浩之請  
也

二月以李綱為湖廣宣撫使  
置御前忠銳軍分降盜崔察使襲

增邵青趙延壽等七人所封至四  
部兵名御前忠銳軍隸步年再見

軍司非樞密奉旨不許調遣

帝初御講殿自巡幸以來  
經筵久輟至是復之

三月桑仲請合諸鎮兵復中  
原許之知郢州霍明襲殺

仲仲將李橫擊明走之

嘉公刑  
煥  
帝后邢  
氏父也

我實饋師贊成厥功  
上國之臣嘗欲稱兵  
南下先大聖惠顧盟  
好不許厥後舉兵以  
禍吾國果先大聖意  
乎況亘古自分南北  
主上恭勤英俊竝用  
期必復古蓋思久遠  
之謀歸我二帝太母  
復我土疆使南北赤  
子無致塗炭亦足以  
慰先大聖之靈幸執  
事贊之思謀沉思曰  
君言是也歸當盡達  
之已而粘沒喝至曰  
比南朝遣使來問其

不納  
高麗  
先是國  
王王楷  
將遣使  
入貢於  
宋宋詔  
止之畧  
曰茲移  
仗衛暫  
駐江湖  
如行使  
之果來  
恐有司

仲上疏願協力收復京師累官樞  
乞朝廷舉兵為聲援呂頤密都承  
浩信之乃命仲節制應援旨病免  
京城軍馬復劉豫所陷州至是卒  
郡仍命河南翟興荆南解謐恭簡  
潛金房王彥德安陳規斬贈少師  
黃孔彥舟諸鎮撫使相為追封嘉  
應援仲至郢州調兵明誘國公  
而殺之襄鄧統制李橫擊煥涉學  
走明復其州

有文節  
煥涉學

河南鎮撫使翟興為其下所

儉自持

殺詔以其子琮代之

劉嘗奏馬

冬十一月薩里罕請取

豫將遷汴以興屯伊陽山

仲言事

宗劍外十三州從之

憚之遣蔣頤持書誘興以

切當宗

耶律伊都謀反伏誅遂

王爵興斬頤而焚其書豫

澤忠勞

大殺遼宗室先是

復陰啗興裨將楊偉以利可倚黃

伊都以元帥右都監

之不戒

俟休邊

境當問

聘期至

是楷遣

禮部負

外郎崔

惟清等

如紹興

府貢方

物宗帝

引見遣

還

偉遂殺興攜其首奔豫興潛善汪  
在河南累年軍少食乏而伯彥誤  
能激以忠義士莫不自奮國其言  
金人畏之諸陵得不侵犯多所裨  
諒以其子琮嗣職益識者

夏四月以翟汝文參知政事取焉

初汝文知密州秦檜為  
州文學汝文薦其才故檜  
引以輔政

曹成陷賀州

詔呂頤浩都統江淮荆浙諸

軍事開府鎮江頤浩信

桑仲之言屢請出師身自

督軍北向秦檜因諷人言

周宣王內修外攘故能中

興今二相宜分任內外於

附齊

留西京謀反出奔其  
黨蕭高陸伏誅至是  
部族節度使特古斯  
捕斬伊都及其諸子  
函其首以獻

劉豫阜昌二年

春遣使如金表謝賜

地夏徙都於汴豫

至汴尊祖考為帝置

於宋太廟是日暴風

捲旂屋瓦皆振士民

大懼時河淮山東陝

西皆屯金軍豫子麟



是帝諭頤浩及檜曰頤浩  
治軍旅檜理庶務如種蠡  
分職可也乃命頤浩開府  
鎮江頤浩辟文武士七十  
餘人以神武後軍及御前  
忠銳崔增趙延壽二軍從  
行韓世忠張俊劉光世岳  
飛王玠楊沂中等皆隸焉  
帝嘗謂給事中程瑀曰頤  
浩熟於軍事檜誠實但檜  
太執耳瑀對曰如求機警  
能順旨者極不難得但不  
誠實則終不可倚帝然之  
閏月岳飛追曹成大敗之成  
走邵州成擁衆十餘萬  
由江西歷湖湘據道賀二

籍鄉兵十餘萬為府  
軍分置河南汴京洵  
沙官兩京冢墓發掘  
殆盡賦斂煩苛民不  
聊生孔彥舟叛宋  
來降秋劉忠為宗  
韓世忠所敗自蘄陽  
來降冬宋遣潘致  
堯如金道出楚州楚  
州通判劉宴因刳其  
禮幣來奔豫母崔  
氏卒遣使告哀於金  
金遣武良謨來汴弔  
祭豫將郭振及宋  
將王彥戰於白石鎮  
敗績遂失秦州

州帝命飛權荆湖東路安撫都總管付金字牌黃旗招成成聞飛至驚遁飛追至賀州力戰大敗之成乃自桂嶺置砦至壯藏嶺連控隘道以衆十餘萬守蓬頭嶺飛部纔八千人一鼓登嶺破其衆成奔連州飛謂部將張憲徐慶王貴曰成黨散去追而殺之則脅從者可憫縱之則復聚為盜今遣若等誅其首而撫其衆慎勿妄殺累上保民之仁於是憲自賀連慶自邵道貴自郴桂招降者二萬與飛會連州進討成成

走入邵州

五月以權邦彥簽書樞密院事

育太祖後子偁之子伯琮於  
宮中賜名璵元懿太子  
卒帝未有後范宗尹嘗造  
膝請建太子帝曰太祖以  
神武定天下子孫不得享  
之遭時多艱零落可憫朕  
若不法仁宗為天下計何  
以慰在天之靈於是詔知  
南外宗正事令廣選太祖  
後將育宮中會上虞縣丞  
婁寅亮上書曰先正有言  
太祖舍其子而立弟此天  
下之大公周王薨章聖取

欽定四庫全書

御定歷代紀事年表

卷九十一

三

宗室育之宮中此天下之大慮仁宗感悟其說召英宗入繼大統文子文孫宜君宜王今有天下者獨陛下一人而已椒寢未繁孤立無助天其或者深戒陛下追念祖宗公心長慮之所及乎崇寧以來諛臣進說獨推濮王子孫以為近屬餘皆謂之同姓遂使昌陵之後寂寥無聞望陛下於伯宇行內選太祖諸孫有賢德者視秩親王俾牧九州以待皇嗣之生退處藩服庶幾上慰在天之靈下繫人心之望書奏帝讀

之大感歎至是選秦王德芳五世孫左朝奉大夫子偁之子伯琮入宮命張婕妤鞠之生六年矣其後吳才人亦請於帝乃復取秉義郎子彥之子伯玖命才人鞠之皆太祖後也尋以伯琮為和州防禦使賜名瑗

呂頤浩前軍將趙延壽叛頤浩次於常州王德追延壽至建平誅之頤浩聞桑仲死已悔出師及延壽叛遂稱疾不進尋召還行在張浚以劉子羽知興元府韓世忠招曹成降之世忠

既平范汝為旋師永嘉若  
將休息者忽由處信徑至  
豫章連營江濱數十里羣  
賊不虞其至大驚世忠因  
使董收招成成方為岳飛  
所追乃帥眾降得戰士八  
萬遣詣行在

六月以李橫為襄郢鎮撫使  
頒戒石銘於州縣以黃庭

堅所書戒石銘頒於州縣  
令刻石文曰爾俸爾祿民  
膏民脂下民易虐上天難  
欺

翟汝文罷汝文雖為秦檜  
所薦然性剛不為檜屈至  
對案相詬目檜為金人姦

細故不得久居位

孔彥舟叛降劉豫

秋八月召朱勝非兼侍讀罷  
給事中胡安國及程瑀等  
二十人 帝初即位召安  
國為給事中黃潛善惡之  
遂罷潛善去復召為中書  
舍人兼侍講安國因上時  
政論二十一篇其言以為  
保國必先定計定計必先  
建都建都擇地必先設險  
分土必先制國制國以守  
必先恤民夫國之有民猶  
人之有元氣不可不恤也  
除亂賊選縣令輕賦斂更  
弊法省官吏皆恤民事也

而行此有道必先立政立  
政有經必先覈實而後賞  
罰當賞罰當而後號令行  
人心順從惟上所命以守  
則固以戰則勝以攻則服  
天下定矣然欲致此顧人  
主志尚何如耳尚志所以  
立本也正心所以決事也  
養氣所以制敵也宏度所  
以用人也寬隱所以明德  
也具此五者帝王之能事  
畢矣論人改給事中兼侍  
讀專講春秋先是秦檜欲  
傾呂頤浩而專政乃多引  
知名士布列清要以自助  
安國嘗聞游酢論檜人材



可方荀文若故力言檜賢  
於張浚諸人及頤浩自常  
州還憾檜欲去之問計於  
席益益曰目為黨可也今  
黨魁胡安國在瑣闥宜先  
去之會頤浩薦知紹興府  
朱勝非代已都督帝從之  
命下安國奏勝非與黃潛  
善汪伯彥同在政府緘默  
附會馴至渡江專用張邦  
昌結好金虜淪滅三綱天  
下憤鬱及正位冢司苗劉  
肆逆貪生苟容辱逮君父  
今彊敵憑陵叛臣不忌深  
恐勝非上誤大計帝為罷  
都督之命改兼侍讀安國

復持錄黃不下頤浩特命  
檢正黃龜年書行安國言  
有官守者不得其職則去  
勝非既臣論列之人今朝  
廷乃稱勝非處苗劉之變  
能調護聖躬昔公羊氏言  
祭仲廢君為行權先儒力  
排其說蓋權宜廢置非所  
施於君父建炎之失節者  
今雖特釋而不問又加進  
擢習俗既成大非君父之  
利臣以春秋入侍而與勝  
非為列有違經訓遂臥家  
不出頤浩勸帝降旨乃落  
職提舉仙都觀秦檜三上  
章留之不報侍御史江躋

左司諫吳表臣論勝非不可用安國不當責於是與張燾程瑀胡世將劉一止林待聘樓炤等二十餘人皆坐檜黨竝落職罷官臺省為之一空

以孟庾同都督江淮荆浙諸軍事

秦檜免榜其罪於朝堂先是起居郎王居正與檜善及檜執政與居正論天下事甚銳既相所言皆不酬居正疾其詭言於帝曰檜自謂為相數月必聳動天下今設施止是願陛下以臣所言問檜所行檜聞而

憾之出居正知婺州及胡安國罷檜留之不報遂求去呂頤浩諷侍御史黃龜年劾檜專主和議沮止國家恢復遠圖且植黨專權漸不可長乃罷檜相仍榜朝堂示不復用初檜所陳二策欲以河北人還金中原人還劉豫帝曰檜言南人歸南北人歸北朕北人將安歸檜語乃塞至是帝召直學士院蔡密禮語以是事及居正所言密禮即以帝意載於制辭播告中外人始知檜之姦

彗星見赦求直言

九月韓世忠大敗劉忠於蘄

陽忠走降劉豫

世忠自

豫章移師長沙劉忠有衆  
數萬據白面山營柵相望  
世忠至與賊對壘奕恭張  
飲堅壁不動衆莫能測一  
夕與蘇格聯騎穿賊營候  
者訶問世忠先得賊軍號  
隨聲應之周覽以出喜曰  
此天賜也夜伏精兵二千  
於山下與諸將拔營而進  
賊方迎戰伏兵已馳入中  
軍奪望樓植旗蓋傳呼如  
雷賊回顧驚潰世忠麾將  
士夾擊大破之忠走降豫

王倫還自金

倫久被金留

至是尼瑪哈與倫議和縱之歸報倫至入對言金人情偽甚悉帝優獎之時方議討劉豫和議中格久之乃以潘致堯為通問使復如金

以朱勝非為尚書右僕射同平章事兼知樞密院事

以王似為川陝宣撫處置副使張浚在關陝三年訓

新集之兵當方張之敵以劉子羽為上賓任趙開為轉運擢吳玠為大將子羽慷慨有才畧開善理財而玠每戰輒勝西北遺民歸附者眾故關陝雖失全蜀

安堵且以形勢牽制東南  
江淮亦賴以安朝廷疑浚  
殺趙哲曲端為無辜任子  
羽等為非是乃以似為副  
使浚始不安

冬十月禁私酤

遣官裕享於溫州

十一月李綱至潭州湖南羣  
盜平

王彥復秦州 彥守金州數

立奇功以捍蜀至是敗劉

豫將郭振於白石鎮復秦

州張浚承制以彥節制商

虢陝華州軍馬

十二月罷湖廣宣撫使李綱

綱上言荆湖自昔用武

之地今朝廷保有東南當  
於鼎澧荆鄂皆宿重兵使  
與四川襄漢相接乃有恢  
復中原之漸會呂頤浩言  
綱縱暴無善狀而誅官徐  
俯劉斐亦劾綱遂罷提舉  
崇福宮

初取江浙湖南月椿錢 呂  
頤浩朱勝非以軍用不足  
創取江浙湖南諸路大軍  
月椿錢以上供經制繫省  
封椿等窠名充其數茶鹽  
錢竝不得用所椿不給十  
之一二故郡邑多橫賦大  
為東南民患

召張浚知樞密院事 浚聞



樞密院事

三月李橫傳檄收復東京劉豫以金人來戰於牟駝岡橫師敗績潁昌復陷

夏四月劉豫將董震以號州

來歸李成復寇陷之

楊太僭號大聖天王詔統制

王瓊會兵討之太衆日

盛復立鍾相少子子儀為

太子太以下皆臣事之太

又名么蓋楚人謂年少者

為么云

水軍都統制徐文以衆叛附

劉豫

五月以韓肖胄簽書樞密院

事遣使金潘致堯還言

所向無前衆呼為徐  
大刀以功為宋淮東  
浙西沿海水軍都統  
制諸將忌之譖其將  
叛宋遣兵襲之文遂  
以所部海舟六十艘  
官軍四千餘自明州  
浮海抵鹽城來降見  
豫曰沿海無備二浙  
可襲也豫大喜以文  
知萊州令帥其衆侵  
宋通泰州秋取宋  
伊陽於是豫盡有梁  
衛之地冬李成取  
宋襄鄧等六郡

金欲再遣重臣以取信遂  
寢出師之議而遣肖胄及  
胡松年往金議和至齊劉  
豫欲以臣禮見肖胄無以  
應松年曰均為宋臣遂長  
揖不拜豫不能屈

王彥復金州金人遂棄均房  
詔李橫等班師還鎮禁邊兵  
侵齊以與金議和也仍  
禁諸路招納淮北及中原  
人來歸者

罷宣撫使便宜黜陟

六月岳飛討江廣羣盜悉平  
之時虔吉盜連兵寇掠  
循梅廣惠南安邵武諸州  
飛至虔固石洞賊彭友悉

衆至霄都迎戰飛麾兵即  
馬上擒之餘黨退保固石  
洞洞高峻環水止一徑可  
入飛列騎山下令皆持滿  
黎明遣死士疾馳登山賊  
衆亂棄山而下騎兵圍之  
賊呼可命飛令勿殺受其  
降因授徐慶等方畧捕諸  
郡餘賊皆破降之初帝以  
隆祐太后震驚之故密令  
飛屠虔城飛請誅首惡而  
赦脅從帝許焉虔人感其  
德繪像祠之及入見帝書  
精忠岳飛字製旗以賜之  
秋七月復置博學宏詞科  
八月翟琮棄軍奔襄陽劉豫

欽定四庫全書

卷九十一

遂陷伊陽

九月呂頤浩免 頤浩屢請  
興師復中原謂太祖取天  
下兵不過十萬今有兵十  
六七萬矣然自金人南牧  
莫敢撓其鋒比年韓世忠  
張浚陳思恭張崇屢奏人  
有戰心天將悔禍又金人  
以中原付劉豫三尺童子  
知其不能立國願審斷早  
定決策壯向帝方主和議  
不從至是以水旱不時蘇  
湖二州地震下詔罪已求  
言頤浩連章待罪會侍御  
史辛炳等論頤浩過惡遂  
罷為鎮南節度使提舉洞

霄宮

以劉光世韓世忠為江東兩  
淮宣撫使王玠岳飛為荆  
湖江西制置使分屯沿江  
諸州時諸將擁重兵而  
無分地光世在鎮江月費  
至二十萬緡每聞易鎮則  
設辭不奉詔有急復遷延  
以避之朝廷無如之何故  
命四人易鎮光世為江東  
淮西宣撫使屯池州世忠  
為淮南東路宣撫使屯鎮  
江玠為荆湖制置使屯鄂  
州飛為江南西路制置使  
屯江州

冬十月李成寇襄鄧李橫奔

荆南成遂陷京西六郡

十一月復元祐十科取士法

從朱勝非之言也

金烏珠陷和尚原於是宣

撫司分陝西之地自秦鳳

至洋州以利州制置使吳

玠主之屯仙人關金房至

巴達鎮撫使王彥主之屯

通州文龍至威茂統制劉

錡主之屯巴西洮岷至階

成統制關師古主之屯武

都

十二月韓肖胄偕金使來

帝自即位屢遣使如金多

見拘留而金未嘗遣一介

報聘至是尼瑪哈使李永

壽王翊來請還劉豫之俘  
及西北士民之在南者且  
欲畫江以益劉豫與秦檜  
前議脗合識者益知檜與  
金人共謀矣殿中侍御史  
常同言先振國威則和戰  
常在我若一意議和則和  
戰常在彼靖康以來分為  
兩事可為鑒戒帝不聽復  
遣樞密都承旨章誼使金  
國通問請還兩宮及河南  
地

甲寅

紹興四年

春正月帝在臨安

韓肖胄罷肖胄與朱勝非

安定王天會十二年

今時

春正月初改定制度詔

中外

耶律達實康國

夏

八年

夏主李乾順正

德八年

不合力求罷從之

二月席益罷

三月吳玠吳玠與金烏珠戰

於仙人關大敗之先是

玠守和尚原饋餉不繼玠

慮金人必復深入且其地

去蜀遠乃命玠別營壘於

仙人關右之地名曰殺金

平移兵守之至是烏珠薩

里罕劉夔帥步騎十萬破

和尚原進攻仙人關自鐵

山鑿崖開道循嶺東下玠

以萬人守殺金平以當其

衝玠自武階路入援先以

書抵玠謂殺金平之地濶

遠前陣散漫後陣阻隘宜

襲封三三月烏珠等及宋將吳

玠吳玠戰於仙人關

知行在

敗績

事卒贈

開府儀

同三司

聘

九月遣烏珠等會齊劉

豫兵南侵先是主

與尼瑪哈議伐宋會

烏珠還力言不可曰

江南卑濕今士馬困

億糧儲未豐足恐無

成功尼瑪哈曰都監

務偷安耳主以議不

合乃止至是劉豫請

武昌子

岳飛

累官荆

南制置

使襄漢



益修第二隘示必死戰然授清遠後可以必勝玠從之急治軍節度第二隘璘冒圍轉戰七晝使封武夜始得與玠會於仙人關昌縣開敵首攻玠營玠擊走之又國子明以雲梯攻壘壁楊政以撞年再見竿碎其梯以長矛刺之諸將有請別擇地以守者璘拔刀畫地謂諸將曰死則死此退者斬金軍分為二鳥珠陣於東韓常陣於西璘帥銳卒介其間左繞右縈隨急而後戰戰久璘軍少憊急屯第二隘金生兵踵至人被重鎧鐵鈎相連魚貫而上璘以駐隊矢迭

兵南侵主乃命邵爾多達蘭調渤海漢軍五萬以應豫謂鳥珠知地險易使將前軍騎兵自泗攻滁步兵自楚攻承州

冬十月前鋒將聶呼貝勒等及宋韓世忠戰於大儀敗績別將托卜嘉被執

十二月分兵攻宋廬州為宋將牛皋所敗遣宋使魏良臣南歸鳥珠等自淮引兵還時達蘭屯泗州鳥珠屯竹塹鎮為宋韓世

射死者層積翌日敵攻西  
北樓姚仲登樓酣戰樓傾  
以帛為繩挽之復正金人  
用火攻樓仲以酒缶撲滅  
之玠急遣統領田晟以長  
刀大斧左右擊明炬四山  
震鼓動地明日大出兵統  
領王喜王武帥銳士分紫  
白旗入金營金陣亂奮擊  
射之韓常中左目金人始  
宵遁玠遣統制官張彥剗  
橫山砦王俊伏河池扼其  
歸路又敗之  
以趙鼎參知政事  
召孟庾還罷都督府以其兵  
屬張俊

附齊

忠所扼以書幣與宋  
約戰世忠遣麾下王  
愈及兩伶人以橘茗  
來報且言樞密張浚  
已在鎮江烏珠曰張  
樞密貶嶺南何得乃  
在此愈出浚所下文  
書示之烏珠色變遂  
有歸意會雨雪餽道  
不通野無所獲殺馬  
而食蕃漢軍皆怨又  
聞主病篤乃夜引還

劉豫阜昌四年  
春劉夔會金將烏珠

張浚至臨安罷為資政殿大

學士居之福州浚雖被

名以劉子羽等軍敗祕其

事未行王似盧法原亦未

赴閬已而詔押似法原赴

鎮浚及子羽王庶劉錫等

俱赴行在浚至臨安中丞

辛炳以宿憾帥殿中侍御

史常同等劾浚喪師失地

跋扈不臣遂落職奉祠福

州居住安置劉子羽於白

州浚即日行詔以王似為

川陝宣撫使盧法原吳玠

副之法原尋卒

夏四月關師古及金人戰於

熙河拔金寨數十金人大

攻宋仙人關為吳玠

所敗夔豫之腹心本

謂蜀可圖既不得逞

度玠終不可犯乃還

據鳳翔授甲士田為

久留計夏宗知壽

春府羅興以城降

秋宋岳飛陷郢州守

將京起號萬人敵過

害飛趨襄陽時李成

鎮襄陽迎戰敗走於

是襄陽隨唐鄧州信

陽軍皆入於宋豫聞

之乞師於金會奉議

郎羅諤上南征策豫

大喜遂奪民身五百

師既而募洵與金人合兵  
攻之師古戰不勝降金  
徐俯罷與趙鼎議不合故  
也

以范冲直史館重修神宗哲  
宗實錄先是隆祐太后  
生辰置酒宮中從容謂帝  
曰宣仁太后之賢古今母  
后未有其比昔姦臣肆為  
謗誣雖嘗下詔明辨而國  
史尚未刪定豈足傳信吾  
意在天之靈不無望於帝  
也帝悚然於是召冲重修  
之冲乃為神宗考異明示  
去取舊文以墨書刪去者  
以黃書新修者以朱書世

載戰具以徐文為大  
將遣子麟姪猊各將  
兵會金將烏珠等南  
侵冬宋淮南將王  
師晟等陷壽春府知  
府王靖被執金人  
及宋戰不利退師麟  
猊不能獨留亦棄輜  
重而還

號朱墨史又為哲宗辨誣  
錄由是三史得其正而姦  
臣情狀益著其後論詆誣  
罪追貶章惇為昭化節度  
副使蔡卞為單州團練副  
使神祖禹子也

五月

以岳飛兼荆南制置使

時楊太與劉豫通欲順  
流而下李成既據襄陽又  
欲自江西陸行趨浙與太  
會帝命飛為之備朱勝非  
言襄陽國之上流不可不  
急取飛亦奏襄陽等六郡  
為恢復中原基本今當先  
取六郡以除心膂之病李  
成遠遁然後加兵湖湘以

殄羣盜帝以語趙鼎鼎曰  
知上流利害無如飛者遂  
有是除飛渡江中流顧幕  
屬曰飛不擒賊不涉此江  
秋七月以胡松年簽書樞密

院事 朱勝非薦之也

岳飛復襄陽等六郡 先是

飛至郢偽齊將京超乘城  
拒飛飛鼓衆而登超投崖  
死飛復郢州遂趨襄陽李  
成迎戰左臨襄江飛笑曰  
步兵利險阻騎兵利平曠  
成左列騎江岸右列步平  
地雖衆十萬何能為舉鞭  
指王貴曰爾以長槍步卒  
擊其騎兵指牛臯曰爾以

騎兵擊其步卒合戰馬應  
槍而斃後騎皆擁入江步  
卒死者無數成夜遁飛遂  
復襄陽齊人收成餘衆益  
兵駐新野飛與別將王萬  
央擊大敗之又使牛勗復  
隨州王貴張憲復唐鄧州  
信陽軍襄漢悉平飛移屯  
德安軍聲大振捷聞帝喜  
曰朕素聞飛行軍有紀律  
未知其能破敵如此飛因  
奏金賊所愛惟子女金帛  
志已驕惰劉豫僭偽人心  
終不忘宋如以精兵二十  
萬直擣中原恢復故疆誠  
易為力襄陽隨郢荀行營

田其利甚厚臣候糧足即過江北勦敵時方重深入之舉而營田之議自是興矣

八月以趙鼎知樞密院事都督川陝荆襄諸軍事徐俯既去言者謂當國者不知兵乞令參政通知由是鼎為朱勝非所忌除樞密都督鼎辭以非才帝不許條奏便宜復為勝非所抑乃上疏言頃者陛下遣張浚出使川陝國勢百倍於今浚有補天浴日之功陛下有礪山帶河之勢君臣相信古今無二而終致物



議以被竄逐大抵專黜陟  
之典受不御之權則小人  
不安其分謂爵賞可以苟  
求一不如意便生觖望蜀  
士至於醵金募人詣闕訟  
之以無為有何以自明故  
有志之士欲為國立事者  
每以浚為戒今臣當此重  
責去朝廷遠恐好惡是非  
行復紛紛於聰明之下矣  
望閔臣孤忠使得展布四  
體少寬陛下西顧之憂又  
言臣所請兵不滿數千半  
皆老弱所齎金帛至微薦  
舉之人除命甫下彈墨已  
行臣日侍宸衷所陳已艱

難況在萬里之外乎

遣吏部員外郎魏良臣使金

初章誼至雲中論李永

壽所需三事金人互有可

否獨畫疆一事未定而尼

瑪哈答書又約以淮南毋

得屯兵蓋欲畫江以益劉

豫誼等還至睢陽為豫所

留以計得免帝嘉勞久之

復命良臣奉表通問時金

人已定議出兵而帝未之

知也

楊太敗官軍於鼎江詔岳飛

移兵討之王璣遣忠銳

統制崔增等討太於鼎江

師皆敗沒太乘大水出兵

攻破鼎州社木寨守將許  
筌戰沒官軍死者甚衆於  
是授飛清遠軍節度使代  
璵討太飛時年三十二中  
興諸將建節未有如飛之  
年少者

九月朱勝非罷先是勝非

以母喪去位詔起復之會  
久雨勝非累章乞免帝未  
許侍御史魏玘劾其過勝  
非亦請解官持餘服許之  
勝非居相位苗劉之變保  
護之功為多然詆李綱忌  
趙鼎人以此少之  
劉豫使其子璘以金兵入寇  
以趙鼎為尚書右僕射同平

章事兼知樞密院事時

邊報驟至舉朝震恐鼎將  
赴川陝陞辭帝曰卿豈可  
遠去當遂相朕制下朝士  
相慶

以沈與求參知政事

冬十月詔韓世忠進屯揚州

詔辭懇切世忠感泣曰

主憂如此臣子何以生為

遂濟師進屯揚州

召張浚於福州初浚至福

州慮金齊併力窺東南疏

言其狀至是帝思其言會

趙鼎勸帝親征帝從之喻

樗謂鼎曰六龍臨江兵氣

百倍然公自度此舉果出

萬全乎或姑試一擲也鼎  
曰中國累年退避不振敵  
情益驕故贊上行耳若事  
之濟否則非鼎所可知也  
檇曰然則當思歸路耳張  
德遠有重望若使宣撫江  
淮荆浙福建俾以諸道兵  
赴闕則其來路即朝廷歸  
路也鼎然之入言於帝遂  
召浚以資政殿學士提舉  
萬壽觀兼侍讀

韓世忠大敗金人於大儀追  
至淮而還世忠至揚州  
使統制解元守承州候金  
步卒親提騎兵駐大儀以  
當敵騎伐木為柵自斷歸

路會魏良臣使金過之世  
忠撒炊爨給良臣有詔移  
屯平江良臣疾馳去世忠  
度良臣已出境即上馬令  
軍中曰貶吾鞭所嚮於是  
移軍向大儀勒五陣設伏  
二十餘所約聞鼓即起擊  
良臣至金軍中金前將軍  
聶呼貝勒問官軍動息良  
臣具以所見對貝勒大喜  
即引兵至江口距大儀五  
里別將托卜嘉擁鐵騎過  
五陣東世忠傳小麾鳴鼓  
伏兵四起旗色與金人旗  
雜出金軍亂官軍迭進世  
忠令背寇軍各持長斧上

搥人胸下斫馬足敵被甲  
陷泥淖世忠麾勁騎四面  
蹂躪人馬俱斃遂擒托卜  
嘉等二百餘人而世忠所  
遣董敗亦擊敗金人於天  
長之鵝口橋解元至承州  
北門遇敵設水軍夾河陣  
一日十三戰相距未決世  
忠遣成閔將騎士往援復  
大戰俘獲甚多世忠復親  
追至淮金人驚潰相蹈藉  
溺死者甚衆捷聞羣臣入  
賀帝曰世忠忠勇朕知其  
必能成功況與求曰自建  
炎以來將士未嘗與金人  
迎敵一戰今世忠連捷厥

功不細論者以此舉為中  
興武功第一

帝自將禦金次於平江金  
齊之師日迫帝曰朕為二  
聖在遠屈已請和而彼復  
肆侵凌朕當親總六師臨  
江決戰沈與求復力贊之  
趙鼎喜曰聖斷親征將士  
必奮成功可必臣願效區  
區以圖報國於是孟度  
為行宮留守以張俊為浙  
西江東宣撫使王玠為江  
西沿江制置使胡松年詣  
江上會諸將議進兵劉光  
世移軍建康後宮自溫州  
泛海如泉州帝遂發臨安



劉錫楊存中以禁兵扈從  
會世忠捷奏至帝次平江  
欲自渡江決戰鼎曰敵遠  
來利在速戰遽與爭鋒非  
策也帝乃止及胡松年自  
江上還云壯兵大集然後  
知鼎之有先見也

十一月詔暴劉豫罪逆於六  
師自豫僭逆朝廷以金  
故至名為大齊至是始聲  
其罪以厲六師

以張浚知樞密院事視師江  
上浚至見趙鼎執其手  
曰此行舉措皆合人心鼎  
笑曰喻子才之功也復命  
浚知樞密院事以其盡忠

竭節詔諭中外浚既受命  
即日赴江上視師時達蘭  
烏珠擁兵十萬約日渡江  
決戰浚長驅臨江名劉光  
世韓世忠張俊議事將士  
見浚勇氣十倍浚既部分  
諸將身留鎮江以節度之  
十二月金人圍廬州岳飛使  
牛皋救之金兵敗走金  
齊合兵圍廬州守臣仇愈  
嬰城固守求援於飛飛遣  
牛皋徐慶援之皋至遙語  
金將曰牛皋在此爾輩胡  
為見犯衆愕然不戰而潰  
飛謂皋曰必追之去而復  
來無益也皋乃追擊三十

里金人相踐及殺死者不可勝計

魏良臣還自金 良臣至金

尼瑪哈言當割建州以南

王爾家為小國索銀絹千

萬鴉軍仍約良臣等再使

侍御史魏玘請罷講和二

字以攻守代之飭厲諸將

力圖攘敵遂不復遣

金人自淮引兵遁 金齊之

兵既退帝謂趙鼎曰近將

士致勇爭先諸路守臣亦

翕然自効乃朕用卿之力

也鼎謝曰皆出聖斷臣何

力之有帝語張浚曰趙鼎

真宰相天使佐朕中興可

謂宗社之幸鼎奏金人遁  
歸尤當博采羣言為善後  
之計於是詔前宰執議攻  
戰備禦措置綏懷之方提  
舉臨安府洞霄宮李綱上  
疏曰陛下勿以敵退為可  
喜而以仇敵未報為可憤  
勿以東南為可安而以中  
原未復為可恥勿以諸將  
屢捷為可賀而以軍政未  
修士氣未振為可虞議者  
或以敵馬既退當遂用兵  
為大舉之計臣竊以生理  
未固而欲浪戰以僥倖非  
制勝之術也議者又謂敵  
人既退當且保據一隅以

圖目前之安臣謂今歲不  
征明年不戰使敵勢益張  
而吾之所糾合精銳士馬  
日以耗損何以圖敵惟宜  
於防守既固軍政既修之  
後即議攻討乃為得計其  
守備之宜則料理淮甸荆  
襄以為東南屏蔽當於淮  
之東西及荆襄置三大帥  
屯重兵以臨之分遣偏師  
進守支郡加以戰艦水軍  
上連下接自為防守則藩  
籬之勢成守備之宜莫大  
於是然後可議攻戰之利  
分責諸路大帥因利乘便  
收復京畿以及故都斷以

必為之志即勿失機會則以弱為強取威安亂逆臣可誅強敵可滅攻戰之利莫大於是若夫萬乘所居必擇形勝舊都未復莫若權於建康駐蹕此措置之所當先也至於西北之民皆陛下赤子荷祖宗涵養之深其心未嘗忘宋天威震驚必有願為內應者此綏懷之所當先也又曰臣竊觀陛下臨御九年將驕而難御卒情而未練國用匱而無贏餘之蓄民力困而無休息之期使陛下憂勤雖至而中興之效邈乎

無聞則羣臣誤陛下之故也陛下觀近年以來所用之臣慨然敢以天下之重自任者幾人平居無事小廉曲謹似可無過忽有擾攘則錯愕無所措手足不過奉身以退天下憂危之重委之陛下而已有臣如此何補於國而陛下亦安取此大概近年閒暇則以和議為得計而以治兵為失策倉卒則以退避為愛君而以進禦為誤國國勢益弱職此之由今天啓宸衷悟前日和議退避之失親臨大敵天威所加使北

軍數十萬之衆震怖不敢  
南渡潛師宵奔則和議之  
與治兵退避之與進禦其  
效概可見矣然敵兵雖退  
未大懲創安知其秋高馬  
肥不再來擾我疆場使疲  
於奔命哉且退避之策可  
暫而不可常可一而不可  
再往時自南都退至維揚  
則河北河東關陝失矣自  
維揚退至江浙則京東西  
失矣萬一敵騎南牧將復  
退避不知何所適而可乎  
航海之策萬乘冒風濤之  
險此又不可之尤者也惟  
當於國家閒暇之時明政



刑治軍旅選將帥修車馬備器械峙糗糧積金帛敵來則禦俟時而奮以光復祖宗之大業此最上策也臣願陛下自今以往勿復為退避之計夫古者敵國善鄰則有和親仇讎之邦鮮復遣使今金人造釁之深知我必報其措意為何如而我方卑辭厚幣屈體以求之其不推誠以見信決矣器幣禮物所費不貲使輅往來坐索士氣而又邀我以必不可從之事制我以必不

敢為之謀是和卒不成而徒為此擾擾也臣願自今以往勿復遣和議之使二者既定擇所當為者一切以至誠為之俟吾之政事修倉廩實府庫充器用備士氣振力可有為乃議大舉則兵雖未交而勝負之勢決矣惟陛下正心以正朝廷百官使君子小人各得其分則是非明賞罰當自然藩方協力將士用命雖強敵不足畏逆臣不足憂此特在陛

下方寸間耳今朝廷人才  
不乏將士足用財用有餘  
足為中興之資陛下春秋  
鼎盛欲大有為何施不可  
要在改前日之轍斷而行  
之耳昔唐太宗謂魏徵為  
敢言徵謝曰陛下導臣使  
言不然其敢批逆鱗哉今  
臣無魏徵之敢言然展盡  
底蘊亦思慮之極也惟陛  
下赦其愚直而取其拳拳  
之忠疏奏帝賜詔褒諭

乙卯

紹興五年

春正月乙巳朔日食  
帝在平江

安定王天會十三年

令砮

是年熙宗即位仍  
稱太宗天會年號

耶律達  
實康國

夏

夏主李  
乾順大

召張浚還命韓世忠屯鎮燕王德

江劉光世屯太平張俊屯

建康

昭玄孫

二月帝還臨安

以趙鼎張浚為尚書左右僕

也累官

射竝同平章事兼知樞密

兵馬都

院事都督諸路軍馬鼎

四年嗣

浚相得甚驩人知其將竝

安定王

相史館校勘喻檣獨曰二

令時卒

人宜且同在樞府他日趙

至是詔

退則張繼之立事任人未

令石襲

甚相遠則氣脉長若同處

封明年

相位萬一不合而去則必

再見

更張是賢者自將背戾矣

尋命浚如江上議邊防

吳玠復秦州玠聞虜犯淮

建國公

越三年始改元天

眷

熙宗諱亶本諱咎

刺太祖孫徽宗宗

峻子

春正月主殂太祖孫亶

立初尼瑪哈烏珠

等會朝上京以安班

貝勒之重位久虛請

立亶主不得已許之

至是主卒亶以安班

貝勒即位

遣使告哀於齊高麗夏

及報即位仍詔齊自

今稱臣勿稱子

三月葬太宗於和陵

德元年

高麗

國王王

楷遣使

如金帛

祭賀金

主即位

蒙古

蒙古在

女直之

北唐為

蒙兀部

南遣吳璘楊政乘機牽制璘等出奇兵自天水至秦

璠

初名伯

拔其城

作太廟於臨安

時太廟神琮秦王

主寓溫州歲時委守臣薦德芳五

享司封郎中林待聘言神世孫子

主禮宜在都今新邑未奠偁次子

請考古師行載主之義遷也紹興

之行闕於是始就臨安建二年帝

太廟遣太常少卿張銖迎以未育

神主奉安帝行歛謁禮侍皇嗣選

御史張致遠言創建太廟伯琮入

甚失興復大計不報

閏月胡松年罷

置總制司

命戶部尚書章

誼措置財用以孟庾提領

貴州防

夏四月

信遺言欲歸葬內

史臣曰天輔草創未遑禮樂之事太宗既滅遼舉宗即議禮制度治厯明時繼以武功述以文事經國規模至是始定在位十三年宮室苑囿無所增益未聽大臣計傳位熙宗使太祖世嗣不失正緒可謂行其所甚難矣

以尼瑪哈為太保領三省事封晉國王

亦號蒙

骨斯部

人勁悍

善戰夜

中能視

以鯪魚

皮為甲

可捍流

矢是年

金遣兵

來侵

總制司先是呂頤浩葉夢是授保地主不許遣使致祭  
得等言政和間陳亨伯為慶軍節及賻贈

陝西轉運使創經制錢大度使封五月左副元帥鄂爾多

率添酒價增稅額官賣契建國公卒鄂爾多後改名

紙與凡公家出納每千收至十二宗輔性寬恕好施惠

頭子錢二十三文歲入數年再見

百萬緡令費用日廣請復崇義公

行之諸路一歲數百萬計

賢於緩急暴斂多矣帝從柴叔夏

之至是又因經制之額增

析為總制錢歲收至七百周世宗

八十餘萬緡之後詔尊為帝

三月張浚視師潭州浚以襲封崇

建康東南都會而洞庭據義公

上流恐楊太滋蔓為害請武昌公

乘其急討之至醴陵釋邑

秋九月追尊皇考豐王

宗峻為景宣皇帝廟

號徽宗皇妣富察氏

為惠昭皇后改葬興

囚數百皆太諫者給以文  
榜俾招諭諸若皆驩呼而

**岳飛**

陵

冬十一月以宋國王富

去於是相率來降

封武昌

勒呼為太師完顏古

夏四月罷諸州鎮撫使

子二年

新為尚書左丞相兼

封周後柴叔夏為崇義公

為清遠

侍中高慶裔為左丞

上皇卒於金

年五十四時軍節度

蕭慶為右丞

兵部侍郎司馬朴與奉使使人覲

是歲命萬戶呼沙呼伐

朱弁在燕山聞之共議制改投鎮

蒙古

服弁欲先請朴曰為臣子寧崇信

**附齊**

聞君父之喪當致其哀尚軍節度

何請遂服斬衰朝夕哭金使進封

劉豫阜昌五年

人義之而不責洪皓在冷武昌郡

春宋淮西將酈瓊陷

山北向泣血搢文以祭聞開國侯

光州守將許約降於

者揮涕

尋除荆

宋遣使如金弔祭

龍圖閣直學士致仕楊時卒湖南北

宋吳玠陷泰州守

時奉祠致仕優游林泉襄陽路

臣胡宣被執金將護

以著書講學為事東南學制置使者推時為程氏正宗胡宏羅從彥皆其弟子卒年八十三謚文靖從彥南劍人初為博羅主簿聞時慨然慕之徒步往學見時三日即驚汗浹背曰不至是幾虛過一生矣既卒業歸築室山中絕意仕進學者稱為豫章先生延平李侗初從從彥學從彥令於靜中看喜怒哀樂未發前氣象而求所謂中者久之於天下之理該攝洞貫以次融釋各有條序其接後學答問不倦嘗曰學之道不在

里罕集諸道兵往援復為宋人所敗遣將商元攻宋信陽軍殺其知軍事舒繼明夏遣使如金賀即位秋廢宋明堂為講武殿暴風連日冬豫獻海道圖及戰船木樣於金



多言但默坐澄心體認天  
理自見學者稱為延平先  
生朱熹嘗從伺受學每稱  
伺資稟勁特充養完粹平  
居恂恂無甚可否及酬酢  
事變斷以義理則有截然  
不可犯者

五

月遣忠訓郎何薜使金罷

中書舍人胡寅 寅上疏

言女直驚動陵寢刳質二

帝乃陛下之大讐也自建

炎丁未至紹興甲寅卑詞

厚禮以問安迎請為名而

遣使者不知幾人矣知二

帝所在見二帝之面得女

直之要領因講和而能息

兵者誰歟但見通和之使  
歸未息肩而黃河長淮大  
江相繼失險矣夫女真知  
中國所重在二帝所恨在  
刳質所畏在用兵則常示  
欲和之端增吾所重平吾  
所恨匿吾所畏而中國坐  
受此餌既久而後悟也天  
下其謂自是改圖矣何為  
復出此謬計耶適觀何蘇  
之事恐和說復行國論傾  
危士氣沮喪所繫不細疏  
入詔褒諭之會張浚奏言  
使事兵家機權後將闢地  
復土終歸於和未可遽絕  
乃遣薛行寅因乞外知邵

州以孟庾知樞密院事

封瑗為建國公就學資善堂

趙鼎薦徽猷閣待制范

冲兼翊善起居郎朱震兼

贊讀朝論二人極天下之

選帝命瑗見之皆設拜後

岳飛詣資善堂見瑗退而

喜曰社稷得人矣中興基

業其在是乎尋以伯玖為

和州防禦使賜名璩

行統元歷常州布衣陳得

一所造也

六月岳飛大破楊太於洞庭

太死湖湘平飛奉命討

太而所部皆西北人不習

欽定四庫全書

御定歷代通鑑輯覽

卷九十一

水戰飛曰兵何常顧用之何如耳乃先遣使招諭之其黨黃佐曰岳節使號令如山若與戰萬無生理遂降飛表授佐武義大夫單騎按其部拊佐背曰子知順逆者果能立功封侯豈足道欲復遣子歸湖中視其可乘者擒之可勸者招之如何佐感泣誓以死報時張浚以都督軍事至潭州參政席益疑飛玩寇欲以聞浚曰岳侯忠孝人也兵有深機胡可易言益慚而止佐襲周倫皆殺倫飛上其功遷武功大夫統制

任士安不受王瓊令無功  
飛鞭士安使餌賊曰三日  
賊不平斬汝士安宣言岳  
太尉兵二十萬至矣賊見  
止士安軍併力攻之飛設  
伏士安戰急伏四起擊賊  
賊走會朝旨召浚還防秋  
飛袖小圖示浚浚欲俟來  
年議之飛曰已有定畫都  
督能少留不八日可破賊  
浚曰何言之之易飛曰水  
戰我短彼長以所短攻所  
長是以難若因敵將用敵  
兵奪其手足之助離其腹  
心之托使孤立而以王師  
乘之八日之內當俘諸酋

浚許之飛遂如鼎州黃佐  
招楊欽來降飛喜曰欽驍  
悍既降敵腹心潰矣表授  
欽武義大夫禮遇甚厚乃  
復遣歸湖中兩日欽說全  
琮劉詵來降飛詭罵欽曰  
賊不盡降何來也杖之復  
遣去是夜掩賊營降其衆  
數萬太負固不服方浮舟  
湖中以輪激水其行如飛  
傍置撞竿官舟迎之輒碎  
飛伐君山木為巨筏塞諸  
港汊以腐木亂草浮上流  
而下擇水淺處遣善罵者  
挑之且行且罵賊怒來追  
則草木壅積舟輪礙不行

飛急擊之賊奔港中為筏所拒官軍乘筏張牛羊以激矢石舉巨木撞其舟盡壞太技窮赴水死飛入賊壘餘酋驚曰何神也俱請降衆凡二十餘萬飛親行諸砦慰撫之縱老弱歸田籍少壯為軍果八日而捷書至潭浚歎曰岳侯神算也黃誠斬楊太首扶鍾子儀周倫詣浚降湖湘悉平初太恃其險官軍自陸襲則入湖水攻之則登岸因曰欲犯我者除是飛來至是人以其言為讖云

秋七月孟庾罷

冬十月張浚還自潭州湖

湘平浚奏遣岳飛屯荊襄以圖中原乃自鄂岳轉淮東會諸將議防秋之宜帝賜詔趣歸及至召對便殿浚進中興備覽四十一篇帝嘉歎置之座隅

十一月徵和靖處士尹焞於

涪州初金人陷洛焞死

復甦劉豫聘之不從自商

州奔蜀至閬得程頤易傳

拜受之因止於涪聞三畏

齋以居州人不識其面至

是范冲舉以自代

以李綱為江西安撫制置大

使



丙辰

紹興六年

安定王天會十四年

耶律連夏

春正月帝在臨安

二月以折彥質簽書樞密院

令石

春正月太皇太后赫舍哩氏殂 謚欽憲

實康國十年夏主李

事

韓世忠圍淮陽金烏珠救之

年以同

陵

世忠還 世忠聞劉豫聚

知大宗

秋八月主追尊先祖堪

為感

天后

兵淮陽即引軍渡淮傍符

正事卒

布曰始祖景元皇帝

咸清

大理

離而北為賊所圍奮戈潰

安定王

烏魯曰德皇帝巴哈

元年

國王段

圍而出不遺一鏃呼延通

令慮

曰安皇帝綏赫曰獻冬十月

和譽自

與金將聶呼貝勒搏戰扼

其吭而擒之金人敗去遂

祖定昭皇帝烏古曩達實卒

宗政和

末入貢

進兵圍淮陽賊約受圍一

燕王德

曰景祖惠桓皇帝和廟號德

宗子伊

不復通

日則舉一烽至六烽具舉

昭玄孫

帝頗拉淑曰肅宗穆立幼遣

中國間

一至黎

烏珠與劉猗皆引兵至世

北海侯

憲皇帝英格曰穆宗命皇后

州互市

孝平皇帝烏雅舒曰蕭氏權

忠求援於張俊俊以世忠

世逢子

孝平皇帝烏雅舒曰蕭氏權

州互市

孝平皇帝烏雅舒曰蕭氏權

次已巳年

御定歷代紀事年表

要

有見吞意不從世忠勒陣也時安向敵遣人語之曰錦衣驄定王令

馬立陣前者韓相公也或石卒詔

危之世忠曰不如是不足授令應

以致敵敵果至殺其導戰閩州觀冬十月齊劉豫遣使乞

二人遂引去世忠復還楚察使襲

州淮陽之民從而歸者以封至十

萬計

沈與求罷

張浚會諸將於鎮江遣張俊

屯盱眙韓世忠屯楚州

浚每稱二人可倚大事故

竝命之世忠至楚披草萊

立軍府與士卒同力役夫

人梁氏親織箔為屋將士

有怯戰者世忠遺以巾幘

見

三年再

康宗恭簡皇帝妣皆國后名而已至為皇后復定始祖景祐嘉是國王祖世祖太祖太宗廟既稱制遣使奉

皆不祧號感天表詣廣

師不許時豫將舉元咸清象馬於

兵逆宋師告急於主

請先出師南侵而乞

師救援主召諸將相

議之富勒呼曰先帝

所以立豫者欲其開

疆保境我得安民息

兵也今豫進不能取

又不能守兵連禍結

愈無休期從其請則

豫收其利敗則我受

還

優禮遣

送行在

畧司護

宋詔經

西求貢

表詣廣

遣使奉

是國王

表詣廣

遣使奉

故人人奮勵撫集流散通

商惠工山陽遂為重鎮

夏四月劉豫陷唐州

起復岳飛為京湖宣撫副使

飛以母喪扶櫬還廬山

累表乞終制不許

六月地震求直言

張浚撫師淮上遣劉光世屯

廬州岳飛屯襄陽楊沂中

屯泗州浚命光世屯合

肥以招北軍沂中領精騎

以佐張浚飛屯襄陽以圖

中原

秋七月以郭浩知金州卽隆

知商州經理商號

以陳公輔為左司諫公輔

其弊沉前年因豫出

師嘗不利於江上矣

奈何許之主遂不許

豫而遣烏珠提兵黎

陽以觀釁既而豫師

南侵敗績北方大恐

主遣使詰其敗狀始

有廢豫之意矣

### 附齊

劉豫阜昌六年

春豫聚兵淮陽為宋

韓世忠所圍金將烏

珠來援世忠引去

夏遣兵取宋唐州殺

其判官扈舉臣推官

召還為吏部員外郎言今日之禍實由公卿大夫無氣節忠義不能維持天下國家平時既無忠言直道緩急詎肯仗節死義豈非王安石學術壞之耶安石政事壞人才學術壞人心三經字說詆誣聖人破碎大道非一端也春秋正名分定褒貶俾亂臣賊子懼安石使學者不治春秋史漢載成敗安危存亡理亂為世龜鑑安石使學者不讀史漢揚雄不死王莽之篡而著劇秦美新之文安石乃曰合於孔子無可無

張從之等築劉龍城以窺淮西為宋將王師晟所破統制華知剛被執秋壽春府復陷於宋宋岳飛遣將陷鎮汝軍及河南長水縣李成孔彥舟與宋連戰不利遂失蔡州飛遣王貴等陷虢州盧氏縣豫屯兵唐州及貴等戰不利引還罷治海至市時丞相張堯純謂豫曰聞南人久治舟一旦乘風北濟將不利於我豫懼故

不可之義馮道事四姓八  
君安石乃曰善避難以存  
身使公卿皆師安石之言  
宜其無氣節忠義也疏入  
帝大喜授左司諫賜三品  
服

劉光世復壽春

八月四川都轉運使趙開罷

吳玠為宣撫副使專治  
戰守於財計不問盈虛一  
切以軍期趣辦於開數以  
饋餉不繼訴於朝開亦自  
劾老憊求去乃召開赴行  
在而以李迨代之自金人  
犯陝蜀開職饋餉軍用無  
乏其後計臣屢易於開經

罷之冬豫聞宋遣  
兵來討求援於金金  
不許豫於是子麟  
領東南道行臺尚書  
令李穀為行臺右丞  
馮長寧為行臺戶部  
許清臣為兵馬大總  
管李成孔彥舟闕師  
古為將籍鄉兵三十  
萬分三道南侵麟總  
中路姪猗總東路彥  
舟總西路猗軍至淮  
東尋趨定遠麟渡淮  
次於濠壽之間猗恐  
孤軍深入為宋師所  
襲乃欲趨合肥與麟

畫無敢變更然茶鹽權酷奇零絹布之征遂為蜀常賦則開作備之責不能逃焉

以秦檜為行營留守孟庾副之竝參決尚書省樞密院事張浚奏東南形勢莫重於建康人主居此北望中原常懷憤惕不敢暇逸臨安僻在一隅內則易生安肆外則不足號召遠近請臨建康以圖恢復會劉豫將南寇趙鼎議幸平江帝從之命檜庾留守竝參決尚書省樞密院事檜自被斥會與金議和稍復其

合而後進至藕塘及宋將楊沂中戰敗績猊以首抵謀主李愔曰適見髯將軍銳不可當果楊殿前也即與數騎遁歸麟在順昌彥舟圍光州聞之俱引還

官至是漸用事

岳飛復蔡州 飛累戰皆捷

遣牛皋復鎮汝軍楊再興

復河南長水縣張浚曰飛

措置甚大今已至伊洛則

太行一帶山砦必有響應

者已而忠義社梁興等果

歸之飛復及偽齊李成孔

彥舟連戰至蔡州克其城

九月帝如平江

岳飛遣兵敗劉豫之衆於唐

州上疏請進軍恢復中原

帝不許飛乃還鄂

冬十月劉豫使劉麟劉猷分

道寇淮西楊沂中等大敗

猷於藕塘追麟至南壽春

而還 豫聞張浚會諸將  
於江上榜其罪逆乃遣麟  
猷孔彥舟分三道入寇麟  
帥中路兵由壽春以犯合  
肥猷帥東路兵由紫荆山  
出渦口以犯定遠彥舟帥  
西路兵由光州以犯六安  
時張浚楊沂中韓世忠岳  
飛劉光世分屯諸州而沿  
江上下無兵趙鼎深以為  
憂移書張浚欲令浚與沂  
中同保合肥浚以為然令  
沂中趣濠州以與張浚合  
因謂沂中曰上待統制厚  
宜及時立功會邊報日急  
浚光世皆張大賊勢以聞



浚以書戒二將曰今日之事有進戰無退保及劉麟進逼合肥趙鼎曰今賊渡淮當即遣浚合光世之軍盡掃淮南之寇然後議去留帝善之然慮浚光世不足任因命岳飛盡以兵東下而手札付浚令浚光世沂中等還保江浚上言若諸將渡江則無淮南而長江之險與賊共有淮南之屯正所以屏蔽大江使賊得淮南因糧就運以為家計江南其可保乎今正當合兵掩擊可保必勝若一有退意則大事去矣且岳

飛一動襄漢有警何所恃乎願朝廷勿專制於中使諸將有所觀望也帝手書報浚曰非卿識高慮遠何以及此由是異議乃息沂中兵至濠光世已舍廬州將趣采石浚聞之令呂祉馳往光世軍諭之曰有一人渡江即斬以徇光世不得已復還廬州與沂中俊等相應劉猷軍至淮東為韓世忠所沮劉麟從淮西繫三浮橋而渡張俊以兵拒之猷帥衆犯定遠欲趣宣化以寇建康沂中以兵二千進禦與猷前鋒遇於

越家坊敗之猊至藕塘沂中復遇之猊據山列陣矢下如雨沂中急擊之使統制吳錫帥勁卒五十突入其軍猊衆潰亂沂中縱大軍乘之而自以精騎衝其脇大呼曰賊破矣賊衆錯愕駭視張宗顏自泗來乘背擊之張俊大軍復與戰於李家灣賊衆大敗橫屍滿野猊與數騎遁去麟在順昌聞猊敗亦拔砦去沂中及王德乘勢追麟至南壽春而還孔彥舟亦解光州圍而去

十二月張浚還自鎮江

韓世忠敗金人於淮陽

趙鼎罷

初張浚在江上遣

參議軍事呂祉入奏事所言誇大鼎每抑之既而浚因論事語意微侵鼎鼎言臣初與浚如兄弟因呂祉離間遂爾睽異今浚成功當使展盡底蘊浚當留臣當去帝曰俟浚還議之及浚還鼎與折彥質請帝回蹕臨安浚奏天下之事不倡則不起三歲之間陛下一再臨江士氣百倍乞乘勝攻河南而車駕幸建康又言劉光世驕惰不戰請罷其軍政鼎言得河南固

易能保金人不內侵乎且  
光世累世為將無故而罷  
之恐人心不安浚滋不悅  
而帝多從浚議鼎求退益  
力遂罷知紹興府

折彥質罷以張守參知政事  
陳公輔乞禁程氏學詔從之

公輔上疏言今世取程  
頤之說謂之伊川之學相  
率從之倡為大言謂堯舜  
文武之道傳之仲尼仲尼  
傳之孟軻軻傳之頤頤死  
遂無傳焉狂言怪語淫說  
鄙論曰此伊川之文也幅  
巾大袖高視濶步曰此伊  
川之行也師伊川之文行

伊川之行則為賢士大夫  
捨此皆非也乞禁止之遂  
詔士大夫之學宜以孔孟  
為師庶幾言行相稱可濟  
時用時方名尹焞焞頤門  
人也公輔之意蓋有所指  
云

巳丁

紹興七年

春正月帝在平江  
以陳與義參知政事沈與求  
同知樞密院事  
以張浚兼樞密使自元豐  
改官制樞密院不置使至  
是復置焉

濮王仲天會十五年

湜

嗣封十一年卒

春正月初用大明歷  
司天楊紱所造也  
二月宋遣王倫來聘  
夏六月高慶裔有罪伏  
誅秋七月尼瑪哈以  
憂卒初主名尼瑪

王謚恭

憂卒

初主名尼瑪

感天后  
咸清二  
夏

年

夏主李  
乾順大  
德三年

吐蕃

何辭還自金始聞上皇及太孝子士

后之喪帝成服 辭還始從士街

知道君皇帝及寧德皇后士錢士

鄭氏相繼崩帝成服百官衍士歆

七上表請遵以日易月之 仲湜

制知嚴州胡寅上疏請服事母以

喪三年衣墨臨戎以化天孝聞喜

下帝欲遂終服張浚言天親圖史

子之孝不與士庶同必思性酷嗜

所以奉宗廟社稷今梓宮珊瑚大

未返天下塗炭願陛下揮者一株

淚而起一怒以安天下之至以數

民帝乃命浚草詔告諭羣百千售

臣外朝勉從所請宮中仍之帝曰

行三年之喪上太上皇廟以民膏

號曰徽宗太后尊諡曰顯血易無

官太保尚書令封晉

哈為相以鄂爾多代

守雲中尼瑪哈遂失

兵柄富勒呼欲挫尼

瑪哈因其所善尚書

左丞高慶裔以賊敗

下獄尼瑪哈乞免官

為庶人以贖其罪主

不許慶裔臨刑尼瑪

哈哭與之別慶裔曰

公早聽我言豈有今

日蓋慶裔嘗教之反

凡尼瑪哈之黨連坐

者甚眾尼瑪哈恚悶

絕食縱飲而死 尼

瑪哈後改名宗翰累

官太保尚書令封晉

是年吐

蕃三十

八族首

領趙繼

忠等附

於京

繼忠本

名董合

宋熙寧

中賜今

名

肅浚又請命諸大將率三軍發哀成服俾中外感動

用之物  
國王後改贈秦王諡桓忠

退而上疏曰陛下思慕兩

忍仲湜京師地震

宮憂勞百姓臣每感慨誓

慚不能冬十月以達蘭為左副

殲敵讐十年之間親養缺

對元帥封魯國王烏珠

然爰及妻孥莫之私顧亦

右副元帥封瀋王

欲遂陛下孝養之心拯生

知樞密院事兼侍中時

民於塗炭昊天不予禍變

成公呂立愛致仕封鄭國公

忽生使陛下抱無窮之痛

頤浩尋卒

罪將誰執念昔陝蜀之行

十一月烏珠襲汴執齊

陛下命臣曰我有大隙於

紹興三帝劉豫廢為蜀王立

北剗此至恥惟爾是屬而

年罷同行臺尚書省於汴

臣終殲成功使敵無憚令

平章事初豫由尼瑪哈高慶

日之禍端自臣致乞賜罷

提舉洞喬得立故奉二人特

黜不許時帝遇朔望猶率

霄宮累厚烏珠及諸將多憾

羣臣遙拜淵聖中丞廖剛

除浙西之豫兵敗藕塘金人



言禮有隆殺兄為君則君安撫制之已為君則兄之可也但置大使歲時行家人禮於內庭從知臨安府至是

以秦檜為樞密使

二月癸巳朔日食

遣王倫如金詔以倫為奉

禮成封成國公

迎梓宮使陞辭帝命謂達

至九年

蘭曰河南之地土國既不

再見

有與其付劉豫曷若見歸

三月帝如建康

以呂祉參謀都督府軍事張

榮公劉

宗元為參議官

以沈與求知樞密院事

光世

遙尊宣和皇后韋氏為皇太

累官江

后帝嘗謂輔臣曰宣和東淮西

欲廢豫及尼瑪哈死

宋岳飛因遣間齎蠟

書與豫約同誅烏珠

烏珠得書大驚馳白

於主於是廢豫之意

益決會豫請立子麟

為太子主曰徐當遣

人咨訪河南百姓豫

雖意沮而猶日遣使

乞師南侵詔建元帥

府於太原令豫兵悉

聽節制而以蘇伯為

左都監屯太原

為右都監屯河間

復分戍陳蔡汝亳潁

許諸郡至是尚書省

皇后春秋高朕朝夕思之宣撫使

不遑寧處屈已講和正為是年引

此爾至是從翰林學士朱疾請解

震之請還尊為皇太后兵柄拜

劉光世免張浚命呂祉節制少師萬

其軍光世在淮西素無壽觀使

紀律浚言其沈酣酒色不封榮國

恤國事語以恢復意氣怫公至九

然乞賜罷黜會光世引疾年再見

請解兵柄乃拜少師萬壽

觀使奉朝請以其兵隸都

督府浚因分為六軍命祉

往節制之張守曰必欲改

圖須得聞望素高能服諸

將之心者乃可祉不可用

也浚不從

奏豫治國無狀主遂

令連蘭烏珠偽稱南

侵以襲之將至汴遣

人名劉麟渡河議事

麟以二百騎至武城

烏珠麾騎翼而擒之

遂馳入汴豫方射講

武殿烏珠從三騎突

入東華門下馬逼豫

出見因執其手偕至

宣德門強乘以羸馬

露刀夾之囚於金明

池翌日集百官宣詔

責豫而廢之其畧曰

建爾一邦逮茲八稔

尚勤兵戍安用國為

夏四月岳飛乞終喪遂還廬

山張浚以張宗元監其軍

飛自鄂入見拜太尉繼

除宣撫使以王德用瓊兵

隸之飛見帝數論恢復之

畧疏言金人所以立劉豫

盖欲荼毒中原以中國攻

中國彼得以休息觀釁耳

臣願陛下假臣月日提兵

趨京洛據河陽陝府潼關

以號召五路叛將叛將既

還遣王師前進豫必棄汴

而走河北京畿陝右可以

盡復然後分兵濟滑經畧

兩河如此則逆豫成擒金

人可滅社稷長久之計實

乃以鐵騎數千圍宮

門遣小校巡閭巷間

宣言曰自今不食汝

為軍不取汝免行錢

為汝敲殺貌似人請

汝舊主少帝來由是

人心稍安置行臺尚

書省於汴以張孝純

權行臺左丞相呼沙

呼為汴京留守李儁

副之諸軍悉令歸農

聽宮人出嫁得金一

百二十餘萬兩銀一

千六百餘萬兩米九

十餘萬石絹二百七

十萬足錢九千八百

在此舉帝曰有臣如此朕復何憂飛方圖大舉會秦檜主和議忌之遂不以德瓊隸飛而請詔飛詣張浚議事浚謂飛曰王德淮西軍所服浚欲以為都統而命呂祉以督府參謀領之如何飛曰德與麗瓊素不相下一旦握之在上則必爭呂尚書不習軍旅恐不足服衆浚曰張浚楊沂中如何飛曰張宣府飛之舊帥也其人暴而寡謀沂中視德等耳亦豈能御此軍哉浚艱然曰固知非太尉不可飛曰都督以正問飛

七十餘萬緡豫求哀於二帥達蘭謂之曰昔趙氏少帝出京百姓燃頂煉臂號泣今汝廢無一人憐者汝何不自責也豫語塞十二月與家屬俱徙臨潢府

詔明年改元天眷大赦以烏貲為尚書左丞同中書門下平章事

遣宋使王倫歸國尋復來聘

附齊

飛不敢不盡其愚豈以得  
軍為念哉飛既與浚忤即  
日上章乞終喪服以張憲  
攝軍事步歸廬山廬母墓  
側浚怒遂以張宗元權宣  
府判官監其軍

五月

召胡安國提舉萬壽觀

兼侍讀未至而罷

張浚

薦安國帝召之將行聞陳  
公輔乞禁程頤之學乃上  
疏曰孔孟之道不傳久矣  
自頤兄弟始發明之然後  
知其可學而至今使學者  
師孔孟而禁從頤學是入  
室而不由戶也夫頤於易  
因理以明象而知體用之

劉豫阜昌七年

春遣謀縱火淮甸燔

宋劉光世帑藏尋又

焚鎮江秋宋將鄴

瓊以兵四萬來降豫

大喜御文德殿見之

授瓊靜難軍節度使

知拱州瓊勸豫南侵

豫復乞師於金不報

冬金遣達蘭烏珠

潛至汴豫被執降封

蜀王尋併子麟徙於

臨潢府豫稱大號

凡八年而廢於是張

孝純張昂李鄴李成

孔彥舟鄺瓊闕師古

諸人盡入於金矣

一原於春秋見於行事而知聖人之大用諸經語孟皆發其微旨而知其入德之方則狂言怪語豈其文哉孝弟顯於家忠誠動於鄉非其道義一介不以取予則高視濶步豈其行哉自嘉祐以來頤與兄顥及邵雍張載皆以道德名世著書立言公卿大夫所欽慕而師尊之及王安石蔡京等曲加排抑故其道不行望下禮官討論故事加之封爵載在祀典仍詔館閣裒其遺書羽翼六經使邪說者不得作而道術定

矣疏入公輔與中丞周秘  
侍御史石公揆交章論安  
國學術頗僻除知永州安  
國辭遂復與祠

六月沈與求卒與求被遇

歷御史三院知無不言前  
後幾四百奏帝以其諳練  
通達克已聽納卒諡忠敏

岳飛奉詔入朝遂遣還鎮

累詔趣飛還職飛不得已  
趨朝待罪帝慰遣之及張  
宗元還言將和士悅人懷  
忠孝皆飛訓養所致帝大  
悅飛至鎮奏言臣願提兵  
討金順天道因人心以曲  
直為老壯以逆順為強弱

萬全之效可必錢塘僻在海隅非用武地願建都上游用漢光武故事親帥六軍往來督戰庶將士知聖意所向人人用命

秋八月以張俊為淮西宣撫使

召淮西副統制劉瓚瓚赴行在瓚以衆叛降劉豫執呂祉殺之時以王德為淮西都統制瓚副之瓚與德素等夷不相下及祉還朝德瓚列狀交訴於都督府及御史臺乃召德還建康仍命祉往廬州節制之祉至廬州瓚又訟德祉諭之曰



張丞相但喜人向前倘能立功雖大過亦濶畧沉小嫌耶當為諸公辦之保無他虞瓊等感泣事小定祉乃密奏乞罷瓊及統制靳賽兵權書吏漏語於瓊瓊令人遮祉所遣郵置盡得祉所言大怨怒會聞朝廷命楊沂中為淮西制置使劉錡為副而名已赴行在大懼遂謀叛諸將晨謁祉瓊袖出文書示中軍統制張環曰諸兵官有何罪張統制乃以如許事聞之朝廷耶祉大驚欲走不及為瓊所執環及兵馬鈴轄喬

仲福統制劉永衡皆死之  
瓊遂帥全軍四萬人渡淮  
降劉豫擁祉去拒淮三  
十里祉下馬立謂瓊曰劉  
豫逆賊我豈可見之衆逼  
祉上馬祉罵曰死則死於  
此又諭其衆曰劉豫逆臣  
爾軍中豈無英雄乃隨酈  
瓊去乎衆頗感動凡千餘  
人環立不行瓊恐搖動衆  
心急策馬先渡祉遂遇害  
時有得祉括髮之帛歸吳  
中者祉妻吳氏持帛自縊  
以徇葬聞者哀之劉錡吳  
錫以兵追瓊不及而還詔  
張俊自盱眙移屯廬州於